



明清別集叢刊

汪琬 著

李聖華 箋校

汪琬全集  
箋校

三



I214.92  
W075

# 汪琬全集箋校

三



汪琬 著

李聖華 箋校

人民文學出版社

I214.92  
W075

# 本書

為全國高校古委會資助項目  
由全國古籍領導小組資助出版

鈍翁續藁

鈍翁續稟卷一 詩稟一 古今詩一

盡丙辰一歲止

東軒二首

甚矣吾衰也，終年愛養疴。山深當菟窟，屋小抵雞窠。嬾架拋書久，塵牀臥筆多。文殊不可作，誰與問維摩？

階草方爭茁，餅梅乍就薦。忍窮差省事，養拙但隨緣。美睡支藤几，閑游借竹籊。家人挑野薺，晚飯最欣然。

【箋】

康熙十五年春作於里中。

〔東軒〕見《東軒遺興》箋。

客至

【箋】

快雪初晴後，過從有素交。食盤登菜果，飲具列陶匏。硯沼微融凍，盆花漸吐苞。知君多道氣，玄白不相嘲。

【箋】

作於康熙十五年春。

自題游僊詩後二首〔一〕

嬾學金丹嬾問禪，隱囊燕几自超然。諸君未誦相如賦，誰信臞儒是列僊。  
年年山下守茅茨，爭訝升騰乃爾遲。合取藥成猶未喫，直緣身戀太平時。

【箋】

作於康熙十五年春。

【校】

〔一〕林刻本、四庫本止錄第二首，編為《山中游僊詩四十首》末一首。

看梅二首

門前積雪侵凍苔，十枝五枝犯寒開。老人未肯殺風景，且擘鶴氅花閒來。  
忍寒谿北邨西頭，夜深猶為梅花留。笑殺雄蠡雌蛟蜨，緋桃開時方出游。

【箋】

作於康熙十五年春。

風雨二首

鳩聲未了鶯聲譁〔二〕，敝敝顛風逐雨斜。掀屋卷茅吾不惜，但祈風伯赦梅花。  
泥潦連邨阻客行，祇應簾閣杜柴荆。天公似厭詩人閤，壞盡梅花始遣晴。

【箋】

作於康熙十五年春。

【校】

〔一〕『篤』，四庫本作『覺』，誤。

老友既庭暨王子咸中連許過予山莊

湖山數曲接橫塘，聞有佳賓款草堂〔一〕。穉子儻能供灑埽，小妻猶足任排當。三升黍酒傾香碧，一寸蔬芽翦嫵黃。明月滿庭花滿徑，為君隨意設繩牀。

【箋】

作於康熙十五年春。

〔既庭〕宋實穎，字既庭，見前箋。

〔王咸中〕王申荀，字咸中，吳县人。舊家吳市，有亭臺池館之勝，去而弗居，構數椽於堯峰之麓，曰石塢山房，日與汪琬埽葉烹茗，嘯歌宴息。汪琬應召入都，復從之，追隨不少倦。著有《東皋草堂詩集》。

【校】

〔一〕『佳』，林刻本、四庫本寫作『嘉』。



僧恭密乞竹影菴主詩

叢篁百尺繞煙扉，中有山僧結伴依。怪石寒泉充淨供，竹鍼麻線補禪衣。巾將華氎從容縮，拂借青松左右揮。何日得隨都講後，白椎時節乞玄機。

【箋】

作於康熙十五年。

〔僧恭密〕釋普霑，字恭密，見前箋。

〔竹影菴主〕釋照禪，字圓暉，主竹影菴，恭密之師。見汪琬《栖雲禪院記》。

東征歌

山城僅斗大，數輩皆草竊。何須論攻圍，拍手即笑殺。桓桓東征師，視女比蠛蠓。特假漏刻命，豈能延日月。聖恩廣大真如天，盍來面縛軍營前。白頭作賊尚不可，女曹況值童騃年。

【箋】

作於康熙十五年。按：蓋因鄭經入漳州所作。是年二月初六日，尚可喜疏報廣東危急，清廷命副都統額赫訥率部援粵。十八日，尚可喜又疏報惠州、肇慶、廣州危急。清廷諭哈爾哈齊率駐江寧、池州、徽州等處兵迅速馳援。

送友人之官京師

老去深嗟會面稀，況逢鷁首指京畿。綠楊芳草漸爭發，紫燕伯勞相背飛。殿上香煙濃惹裊，道旁輭土暖侵衣。太平事業須公等，留取衰翁守釣磯。

【箋】

作於康熙十五年春。送別友人，未詳。

桃李二首〔一〕

緋桃穠李各輕盈，漸逐東風弄晚晴。慎勿嫌渠俗到骨，賣花儋上正施行。  
春深是處禰花香，傅粉施朱映夕陽。縱乏謝家林下致，也堪作態占閨房。

【箋】

作於康熙十五年春。

【校】

〔一〕林刻本、四庫本止錄第一首。

漫興二首

富貴由來泡影虛，幸辭香土乞閑居。裝池故院無名畫，傳寫前賢未刻書。蔥齷作科分畛域，李梅成列覆庭除。直饒金紫銀青好，未似先生樂有餘。

姓名不復挂塵寰，分與羣賢絕往還。種菜議租旁舍地，設扉圖對隔谿山。訪求丹藥緣身病，撫揭黃庭賴手閑。怕作熱官真爛熟，故應長物屋三間。

【箋】

作於康熙十五年春夏之際。

過亡兒筠簪菴二首〔一〕

入門無復整衣迎，亭面荒涼半就傾〔二〕。筆竹生孫梅結子，傷心怕到簪菴行。  
空亭依舊枕方池，畫障雲屏不復施。嗟女壯年猶至此，老人媮息幾何時？

【箋】

作於康熙十五年春夏之際。

〔汪筠〕字禹吹，康熙十三年病卒。見前箋。

〔簪菴〕汪筠舊日讀書之處。

【校】

〔一〕全集本附刻《汪伯子簪菴遺藁》錄此，題作《過亡兒讀書處二首》。

〔二〕『亭』，四庫本作『臺』。

東鄰小飲

江岸春無限，鄰家路不迂。招攜緣社肉，拱揖有邨儒。花柳資吟嘯，衣冠入畫圖。暮歸猶老健，茗

芋不須扶。

【箋】

作於康熙十五年春。

一春

凡百俱如昨，惟增鬢髮斑。  
養疴須小忍，作活要常慳。  
屋角籠嘉樹，牆隅出亂山。  
幽栖了無事，飽享一春閑。

【箋】

作於康熙十五年春。

衲子歎

羣衲住院紛鬭爭，試問道眼誰分明？  
葛藤樁子推未倒，盲喝錯棒頻施行。  
趙州雲門眇何處，重銓玄要皆死句。  
豈如竟作粥飯僧，漉囊盃帄隨緣寓。  
我亦不必火其書，亦更不必人其人，  
但將龍蛇凡聖

為君分。果能踢倒禪牀，拗折杖，俊哉此衲！真超羣。

【箋】

作於康熙十五年。按：有感於當世僧諍所作。明時濟、洞二宗並衰。易代之際復振，二宗聚訟亦熾，爭立門戶。汪琬不喜佛門鬭訟，故有此嘆。

有餽筍者戲作

日午柴門猶未開〔一〕，怕逢俗客侵蒼苔。今朝謁人迢然喜，殆為此君之子來。

【箋】

作於康熙十五年春。

【校】

〔一〕『柴』，四庫本作『紫』，誤。

願得二首

林閒布穀一聲鳴，桑圃陰陰麥壠平。願得世為鄉有秩，綠袍皂蓋勸春耕。

一邨姓氏比朱陳，努力耕桑不患貧。願得與渠輪社戶，共攜簫鼓樂田神。

【箋】

作於康熙十五年春夏之際。

王勤中歲寒圖，為尚上人題二首

瘦格蒼髯覆佛龕，仰陵霜霰俛煙嵐。問誰曾見開山日，惟有孤松是老參。

一枝和月照寒潭，絕少幽人曳策探。夜半暗香禪榻畔，不妨便向鼻端參。

【箋】

作於康熙十五年。

〔王勤中〕王武，字勤中，見前箋。

〔尚上人〕釋超曉，字尚德，性空門人，濟宗三十三世。住堯峰露禪菴。事具汪琬《重修堯峰露禪菴記》。

【校】

〔一〕『格』，林刻本、四庫本作『骨』。

雨

蒲簾不御絺衣輕，快風吹雨來江城。高梧蕭蕭葉欲落，長松謾謾枝相撐。濃雲儵忽如山崩，飛電復如枉矢行。雨中髣髴有龍見，點如車軸聲如傾。老龍抱珠臥潭水，是誰作意敲之起。偶然鼓鬣掉修尾，不覺為霖潤千里。

【箋】

作於康熙十五年夏。

感事四首

聞道征南將，羣推頗牧良。旌旗昏白晝，歌吹沸斜陽。少府持籌急，中權運策長。王師無戰敵，坐見井甯亡。

日者凶門鑿，於今未奏功。嘯鳥栖幕上，巢燕乳林中。芻牧三方徧，征徭萬國同。廟堂頻旰食，何以慰宸衷。

稍見飢鷹附，猶聞躍馬爭。荆襄空守險，秦越又徵兵。燐火明荒草，妖狐嘯廢城。遺黎俱野哭，回



首憶昇平。

太白猶芒角，天心詎可知。興儻皆仕宦，保社漸流移。反側情難測，誅求力不支。病身方忍死，願見凱旋時。

【箋】

康熙十五年，有感於吳三桂、尚之信起兵所作。三月，江西總兵苗之秀、副將吳啓鎮相繼叛。尚之信叛應三桂。九月，康親王杰書入閩，大破耿精忠兵，曾養性以溫州降。

好事

好事如君少，山齋乃爾幽。異書踰萬卷，名帖半雙鉤。石向湖中得，香從海外收。眼前無俗物，一笑暫淹留。

【箋】

作於康熙十五年。